

tra Articulos fidei in Libro Concordiæ descriptos, quibus tamen aliæ quædam adjuncti sunt, ex ore B. D. Affelmanni exceptæ & fideliter consignatæ à quodam ipsius auditore.

Præter hæc à Moebio collecta, mihi seqq. adhuc innotuerunt:

1. Disp. de Pœnitentia, Rost. 4. 1614. 2. Conflictus anti-Jesuitici tres, s. Anatomie fœtus Jesuitici, Hierophantarum novæ Acad. Paderborn, Westph., nempe: de sanctorum invocatione, purgatorio & communione sub una specie, cum auctario argumentorum de Rom. superstitione deserenda, Evangelica verò Religione amplectenda, Rost. 8. 1616. 3. Folgegründete Erklärung/ Widerlegung und Antwort D. Pelargo und seinen Spieß, Gesellen/ dem Fincken, Füssel, Bergio, Fabronio und dergleichen Berlinischen Reformanten eingeschickt und entgegen gesetzt/ darauff sie (præfixum enim simul nomen est *D. C. Schlüsselburgii*) nunmehr eine Antwort erwarten. Rost. 4. 1617. 4. Descriptio viva duorum Testium apocalyp. sub Tyrannide Anti-christiana veritatis patrociniis suscipientium. ibid. 4. 1639. vid. *Mart. Læpenius in Bibl. reali theol.* 5. Phosphorus veri Catholici, devia Papatus & viam regiam ad Ecclesiam verè catholicam & Apostolicam fideliter monstrans facemque præ lucens Hodegum Petri Patzinanni. Witteb. 4. 1626. vid. *Wittenius in Memor. Theol. Dec. 11. p. 204.*

STEPHANUS CLOTZIUS,

Lippstadiensi in urbe Anno 1606. Mens. Sept. lucis usurâ frui cœpit, Patre *Steph. Clotzio*, ad D. Mar. Maj. Past. & R. M. Sen., Matre *Eva Breden*, ex parente *Georg. Breden*, Viro Senatoria dignitate conspicuo & *Elisabetha Herselia* prognata. Quamvis parente sexennis adhuc orbatus fuerit, scholam tamen patriam visitare jussus, in eaque fide commissus Præceptoribus, omnium spem votumque adeo superavit, ut 12. ætatis anno Gymnasium Susat. vicinum adire potuerit. Ibidem cum aliquandiu egisset, in studiis adeo profecit, ut proprio Marte ex ipso Peripateticorum Principe Logicam sibi formaverit, quam & viri deinceps eruditissimi admirati quam maximè fuerunt. Cumque omne jam literarum genus, quod Gymnasticum s. scholasticum vocant, penitus hausisset Noster, suasu patruelis sui, *Gerh. Clotzii*, J. V. D. & Reip. Susat. Consulis ad Marpurg. se contulit Academiam. In hac ipsa non philosophicis solum studiis strenuam navavit operam, Præceptoribus usus in Ethicis *Goetlenio*, in Physicis *Toufore*, in Logicis & Metaph. *Dannhauero*; sed & in Theologicis attentâ audivit alacritate *D. Feurbornium*, popularem suum, cujus & usus recto fuit, *Winckelmannum*, *Menzerum* & *Steuberum*. Tantâ verò jam excellebat Noster eruditione, ut de eo, publicè sub

mo.